

Il Segner, Gesu Crist, tuornarà bainbod inavo sün terra. Quai es ün'impromischiun ch'El ha fat svesc cur ch'El vivaiva avant ca. 2000 ons amo sün quist muond (Joannes 14:1-3). Co pudain nus esser dal tuottafat sgürs ch'el retuorna propcha ün di? Legiai las profezas, las qualas il Segner, Gesu Crist, ha fat svesca concernent la fin da quist muond. Üna seriusa lectüra da quistas scrittüras, congualond culs evenimaints chi succedan fingià hozindi sün quist muond, cumprouvan cha'l Segner, Gesu Crist, tuornarà inavo sün quista terra amo dūrant nossa vita.

## 1 DESTRUCZIUN DAL TAIMPEL

Lura ha Gesu bandunà il taimpel ed ün da Seis giuvnals s'ha vout vers El ed ha muossà ad El l'edifizi dal taimpel ed ha dit: Maister, guarda quista bella crappa chi imbellischa ils edifizis qua. E Gesu ha dit ad els: In vardà, eu di a vus cha gnanc'ün da quists craps nu restarà ün sün tschel, els gnaran desdrüts cumplettaing (Matteus 24:1-2; Marcus 13:1-2; Lucas 21:5-6). **E quai es propcha gnü accumulì 70 ons d. Cr.**

## 2 INSAINAS DA SEIS RETUORN

Cur ch'el sezzaiva sül Cuolm da las Olivas, visavi dal taimpel, sun gnüts ils giuvnals Peider, Giachen, Joannes ed Andrea pro Gesu ed han fat la dumonda: Maister, di a nus, cura succedaran quists evenimaints? E che sarà l'insaina da teis retuorn e da la fin dal muond? (Matteus 24:3, Marcus 13:3-4; Lucas 21:7).

## 3 SURMANADERS GNARAN

Gesu ha respus e dit ad els: Stat attents ch'ingün nu surmaina a vus. Blers gnaran in Meis nom e dscharen: Eu sun il Crist. E blers gnaran e surmanaran. Per quist motiv nu seguir ad els (Matteus 24:4-5, Marcus 13:5-6; Lucas 21:8).

## 4 GUERRAS E TUNAS DA GUERRA

E scha vus dudis da guerras e privel da guerra, nu's laschai inquietar, quai tuot sto succeder uschè! Quai nun es però amo la fin (Matteus 24:6; Marcus 13:7; Lucas 21:9).

## 5 GUERRAS TANTER PÖVELS | TERRATREMBELS | FOMINAS | MALATIAS

Ed el ha dit ad els: Ün pövel as dostarà cunter ün oter pövel ed ün reginom s'adozarà cunter ün oter reginom. La terra vain tschüffa da gronds terratrembels, fominas e malatias; ed i darà fenomens sgrischaivels e grondas insainas giò da tshêl (Matteus 24:7; Marcus 13:8; Lucas 21:10-11).

6 Quai es però be il cumanzamaint da las döglias (Matteus 24:8, Marcus 13:8).

## 7 PERSECUZIUN DALS CRISTIANS

Fat atenziun vus svesc! Avant cha quists evenimaints succedaran, gnis vus arrestats e surdats als tribunals, vus gnis bastunats illas sinagogas e miss in praschun e molestats e mazzats. E vus gnis manats pervi da Mai davant rais e guvernatoors. E quai sarà üna chaschun da dar perdütta da Mai (Matteus 24:9; Marcus 13:9; Lucas 21:12-13).

8 E scha vus gnis arrestats e manats davant ils tribunals, nu's far pissers fingià ouravant, che dir o che respunder. Dit quai chi vain dat aint a vus in quel mumaint. Perquai cha na vus nu discurreis, mobain il Sonch Spiert. Eu vögl dar a vus la sabgentscha. Tuots voss achüsaders nu saran capabels da cuntradir o da far opposiziun (Marcus 13:11; Lucas 21:14-15).

## 9 TRADIMAINTE ILL'AIGNA FAMIGLIA

E lura blers saran tradits, perseguitats e mazzats. Ün frar surdarà a l'agen frar a la mort; ün bap a seis uffant, ad amis e paraints; ed uffants as dostaran cunter lur genituors e pisseraran ch'els vegnan cundannats a la mort. E vus sarat ödiats da tuots pervi da Meis nom. Mo gnanc'ün chavè da vos cheu nu dess ir a perder. Cun esser perseverants guadagnarat vus la vita per vus (Matteus 24:9-10; Marcus 13:12-13; Lucas 21:16-19).

## 10 L'AMUR AS SFRADANTARÀ

Oramai cha la noschdà da blers pigliarà il suraman, as sfradantarà l'amur a l'intern. Chi chi tgnarà la düra fin a la fin, quel gnarà spendrà (Matteus 24:12-13).

11 E quist **EVANGELI DAL REGINOM DA DIEU** sto il prüm gnir predgià sün l'inter m u o n d sco perdütta a tuot ils pövels e **lura** sarà qua la fin (Matteus 24:14; Marcus 13:10).

## 12 SGRISCHUR DA DEVASTAZIUN

Scha vus vezzais co cha Jerusalem es circondà dad ün'armada, lura pudais esser sgürs cha la devastaziun da la cità es qua (Lucas 21:20). Perquai: Scha vus vezzais *la sgrischur da devastaziun*, annunzchada dal profet Daniel, a star al lö sonch, (chi chi legia quai, dess savair incleger il sen), lura laschai fügir illas muntognas a quels chi's rechattan a Giudea. E chi chi'd es in cità tilla dess bandunar e chi chi'd es sülla terra nu dess tscherchar protecziun in cità. E quel chi'd es sül tet nu dess gnir giò e gnir in chasa per tscherchar alch chi's rechatta là. E quel chi'd es sül chomp nu dess tuornar a chasa per tour sia büschmainty (Matteus 24:15-18, Marcus 13:14-16; Lucas 17:31; 21:21). Povras las duonnas chi sun in spranza o chi han da tettare uffants. Urai per cha vus nu stopchat fügir dūrant l'inviern o il di dal sabbat (Matteus 24:19-20; Marcus 13:17-18; Lucas 21:23). Els vegnan mazzats tras la spada o manats davent sco praschuners in otras terras. E Jerusalem vain zappà giò tras pajans fin cha lur temp es spirà (Lucas 21:24).

## 13 SGRISCHUR DÜRANT IL TEMP DA JACOB

(Jer 30:6-7) I regnarà *quists dis* regnarà üna tala miseria e tristezza sco chi nun ha amo mai dat daspö il cumanzamaint dal muond fin hoz e chi nu darà mai plü. E scha Dieu nu vess scurzni quist temp nu vess survivü ingün uman. Ma per amur dals umans, tschernüts dad el, ha'l decis da far üna fin a quists dis (Matteus 24:21-22; Marcus 13:19-20; Lucas 21:23). Ma quai es lura il mumaint

da vendetta; lura s'accumplirà tuot quai chi'd es stat scrit (Lucas 21:22).

## 14 FOS CRISTUS E PROFETS

Sch'inchün disch a tai: *guarda, qua es Cristus, guarda, El es là!* Nu crajer! Perche cha fos Cristus e fos profets s'adozaran e demonstraran pussanza e faran miraculs e provaran uschè da surmanar dafatta als elets. Però stat attents: Eu n'ha predit quists evenimaints (Matteus 24:23-24; Marcus 13:21-23). Güsta perquai, sch'els dischan a vus: *Guardai, El es aint il desert!*, nun ir in quist lö; o: *Guardai, El es in chasa!*, Nu crajer quai. Sco cha la sajetta sclerischa üna part suot il tshêl davent da l'ost fin vers saira, uschè sarà quai cur cha'l Figl da l'Uman tuornarà (Matteus 24:26-27; Lucas 17:23-24).

## 15 APPARIZIUNS AL FIRMAMAINTE

Immediatamaing davo *quist temp* da sgrischur as s-chürantarà il sulai, la glüna nu glüscharà plü e las stailas crodaran giò dal tshêl. E las pussanzas celestialas saran our da controlla (Matteus 24:29; Marcus 13:24-25; Lucas 21:25). E sün la terra regnarà miseria e perplexità, il mar e las uondas sbuorflaran, ils cours da l'umanità desdiran da la dolur chaschunada dals evenimaints, cun ils quals ellas gnaran confruntadas (Lucas 21:25-26).

16 Alura cumpara **L'INSAINA DA FIGL DA L'UMAN** al firmamaint ed in quist mumaint as lamantarà e reclamarà l'intera umanità; ella vezzarà il Figl da l'Uman chi descenda sün las nüvlas dal tshêl, cun gronda pussanza e majestà. Ed El tramettarà Seis anguels cul resun da las posaunas ed els ramassaran Als elets chi vivan in tuot las direcziuns, d'üna fin dal tshêl fin a tshella (Matteus 24:30-31; Marcus 13:26-27; Lucas 21:27).



**17** In quist mumaint, cur cha quists evenimaints succedan, guardai insü, dozai voss cheus, perquai cha vossa spendranza s'avicina (Lucas 21:28).

**18** Ed El ha dit: Guardai il figer e tuot ils bös-chs! Cur cha las manzinas sun savurusas e la föglia chatscha, lura vezzais e savais cha la stà s'avicina. **Vus savais eir, cur cha tuot quai succeda, cha'l reginom da Dieu es dastrusch** (Matteus 24:32-33; Marcus 13:28-29; Lucas 21:29-31). Ma ingün nu sa, cur cha quel di o quell'ura sarà, gnanca ils anguels in tschêl ed il Figl da Dieu; sulettamaing il Bap in tschêl sa quai (Matteus 24:36; Marcus 13:32).

**19** Sco quai chi'd es stat d'ürant ils **DIS DA NOA**, uschè sarà l'arriv dal Figl da l'Uman. Perquai cha sco d'ürant ils dis dal diluvi, mangiaivan e bavaivan els, maridaivan e gnivan maridats fin a quel di, cur cha Noa es i aint ill'arca ed ingün nun ha realisà inguotta fin cha'l diluvi d'eira qua ed ha coppà a tuots. Uschè sarà quai, cur cha'l Figl da l'Uman as muossarà (Matteus 24:37-39; Lucas 17:26-27).

**20** Uschè d'eira quai eir dal **TEMP DA LOT**: Els mangiaivan, els bavaivan, els cumpraivan, els vendaivan, els plantaivan ed els fabrichaivan. Ma quel di cha Lot ha bandunà Sodom, haja plovü fö e zuolper giò dal tschêl ed ha mazzà a tuots. Il listess capitarà cur cha'l Figl da l'Uman cumparirà (Lucas 17:28-30).

**21** S'algordai da la duonna da Lot. Chi chi prouva da spender sia vita, tilla perdarà, e chi chi perdarà sia vita, tilla salvarà (Lucas 17:32-33).

**22** Eu di a vus, *quella not* giascharan duos umans in ün let; ün vain tut sü, tschel vain laschè inavo. Duas duonnas mollaran insembel; üna vain recepida, tschella brich. Duos homens saran sül chomp; ün vain acceptà e tschel brich (Matteus 24:40-41; Lucas 17:34-36). Ed els han respus e dit ad El: "Ingio, Segner?" Ed El tils ha dit: "Là ingio chi's rechatta il cadaver, là as ramassan las aglias" (Matteus 24:28; Lucas 17:37).

**23 SAJAT VIGILANTS ED URAI CUNTINAUNTAMAING**  
Id es sco ün hom chi gess in üna terra estra; avant co bandunar si'aigna chasa ha'l surdat la respunsabilità a seis servaints ed ha reparti a minchün sia lavur. Al portier ha'l cumandà d'esser vigilant. Perquai sajat alerts, perquai ch'ingün nu sa cur cha'l Segner – il patrun-chasa – tuorna; la saira, a mezzanot, cur cha'l gial chanta o la bunura; per ch'el nu chatta a vus illa sön, sch'el vain dandet ed imprevisiblamaing (Marcus 13:34-36).

**24** Vus pudais esser sgürs: Scha'l patrun-chasa vess savü ouravant cur cha'l lader vain, füss el stat attent e vess evità da laschar rumper aint. Gùsta perquai as preparai, perquai cha'l Figl da l'Uman vain cur cha nus nu til spettain (Matteus 24:43-44).

**25** *As* perchürai d'üna vita schlaschada cun surbaiver e surmangiar e nu dovrar voss'energia pels pissers da vossa vita da minchadi, uschè cha *quel* Di nu's tschüffa inaspettadamaing. Sajat vigilants ed urai sainza glivrar, perquai cha vus nu savais cur cha l'ura es qua. Uschigliö, scha vus nun eschat preparats, gnarat vus surprais quel di sco da gnir in üna trapla (Marcus 13:33; Lucas 21:34-35).

**26** E quai ch'Eu di a vus di Eu a tuots: Sajat vigilants ed urai sainza glivrar, per cha vus sajat considerats sco degns e possat mütschir da tuot quista miseria e das-chat cumparair davant il Figl da Dieu (Lucas 21:36).


**27** In vardà, eu di a vus: *Quista generaziun* nu svanirà fin cha quists evenimaints nu saran accumulits. Tschêl e terra svaniran, Meis plets però restaran (Matteus 24:34-35; Marcus 13:30-31; Lucas 21:32-33).

**Tschantà sün Seis trun grondius, il Grond Rai – il Segner Gesu Crist – tuorna fingià bainbod darcheu, cun gronda pussanza e gloria, accompagnà da Seis anguels sonchs e da Seis sonchs.**

**Tmai a Dieu e dat l'onur ad El, perquai cha l'ura dal güdizi es rivada; adurai ad El chi'd ha fat il tschêl e la terra, il mar e las funtanas**  
(Revelaziun 14:7)

**Il temp nu spetta plü!**  
Il Reginom dal Tschêl es dastrusch. Fat penitenza e crajai quel evangeli.

**Sajast pront d'inscuntrar al Segner, teis Dieu!**



**L'evangeli Dal Reginom da Dieu**

Watch online through [www.angeltv.org](http://www.angeltv.org)

Guardai ANGEL TV  
Satellite :Eurobird 9A @9°  
Band :Ku  
Downlink Frequency :11.919GHz  
SymbolRate :27500Msps  
FEC :3/4  
Modulation :MPEG2  
Polarization :Vertical

Local Contact Address

RUMANTSCH VALLADER | SWISS